

ՀՈՆ ԵՐԹԱՆՔ

Posted on February 10, 2022 by Lucy Deukmejian



Category: [Opinions](#)



*Հայաստան ասելիս աչքերս լցում են,
Հայաստան ասելիս թեևերս բացում են,
Չգիտեմ ինչու է այդպես:*

Ծնողներս կը պատմեն, թե երբ տակաւին երկու տարեկան էի, հորաքրոջս ընկերկցութեամբ ժամանակի մը համար այցելած եմ Հալէպ, հեռու մօրմէս ու հօրմէս: Այդ ժամանակ թէեւ յստակ խօսելու ատակ, սակայն չեմ կրցած բացատրել տուն վերադառնալու փափաքս եւ անընդհատ կրկնած եմ «հոն երթանք, հոն երթանք» նախադասութիւնը: Տարբեր վայրերու եւ տուներու մէջ գտնուելէ եւ տակաւին այդ արտայայտութիւնը կրկնելէ ետք շուրջիններուս եկած են այն եզրակացութեան, թէ այդ «հոն»ը մեր տունին մասին էր, Պէյրութի տունը վերադառնալուն վերագրուած էր: Օրին մանկական թոթովանքով «հոն երթանք»ը եղած է տուն դառնալու ցանկութեանս արտայայտութիւնը, սակայն այսօր «հոն երթանք»ը ունի ակելի խորիմաստ ըմբռնողութիւն եւ գիտակցութիւն:



Այսօր ալ, երկու տարեկան մանկան խանդադատանքով, կը մաղթեմ որ ա՛յս մէկը ըլլայ մեր ազգի հաւաքական երազանքը 2016-ի սեմին, փոխանակ հեռաւոր ցամաքամասեր գաղթելու բաղձանքը եւ խանդավառութիւնը տարածելու եւ անով ակելի հեռանալու մեր արմատներէն: Մաղթեմ որ շատ կարճ ժամանակի ընթացքին մեծ թիւով սփիւռքահայեր կը ծրագրեն հաստատուիլ հոն՝ հայրենիք, այն Հայաստա՛նը, որ մեր դէմ ծագող միակ ժպտուն ապագան է, մեր ժողովուրդի կրկին յարութիւնն է, միա՛կ հեքիաթն է իրական եւ կենսաժպիտ միա՛կ երազն է անթառամ, ինչպէս կ'ըսէ Մուշեղ Իշխան:

Լիւսի Տօքսնէն

<https://www.youtube.com/watch?v=wCkXRblVb3U>

There are no comments yet.